



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Contemplatio gloriæ cælestis, ex D. Bernardo, D. Gregorio, D. Bedâ,
Cypriano.

urn:nbn:de:hbz:466:1-45396

CONTEMPLATIO

Gloriæ Cælestis ex D. Bernardo.

Penetrandi sunt Celi Sancti, vivi, rationales, qui enarrant gloriam Dei: qui favorabili quadam pietate, nostris se votis libenter inclinant. Et sinuat ad tactum nostræ devotionis affectibus, in sua nos recipiunt viscera Charitatis, quoties digna ad eos intentione pulsamus. Pulsanti enim aperietur. Licet itaque unicuique nostrum, etiam hoc tempore mortalitatis, cavare sibi, quacunq[ue] parte volet, cavernas supernæ maceriæ. Nunc quidem Patriarchas revifere: nunc verò salutare Prophetas: nunc Senatui immisceri Apostolorum: Martyrum admirari triumphos, eorumque Coronas suspicere purpureis vutilantes floribus: nunc Virginum inseri Choris, et redolentes liliis catenis admirari: atque ad mellifluum novi Cantici sonum, quantum prævalet infirmitas, cordis erigere auditum. Stupere etiam pulcherrimos ordines Angelorum et Beatarum mentium statim, et mansiones, à minimo Angelo, usque ad Cherubim et Seraphim, totâ mentis alacritate percurrendo, lustrare, prout quemque sua devotio feret. Post hæc autem humiliter prosternere, Cor ante Thronum Dei, et Agni: delectatur quippe istiusmodi cavernis Deus, ex quibus sibi vox resonat gratiarum actionis, vox admirationis et laudis, vox gemituum, desiderii, et petitionis. Felix mens, quæ sibi in hac maceriâ frequenter cavare studuit. Sic quippe peregrinam Anima, et exulans, sacris meditationibus, tanquam cælestibus pascitur bonis: Dei beneplacitum, et Mystera Voluntatis ejus inquirat, et agnoscit: penetrat etiam devotione Cælos: ut dicere possit; Hæc requies

quies mea: hic habitabo, quoniam elegi eam. Sermon.
62. in C.

Ex D. Gregorio Papa.

Quæ autem lingua dicere, vel quis intellectus capere sufficit, illa, superna Civitatis, quanta sint gaudia? Angelorum Choris interesse, cum Beatissimis Spiritibus gloriæ Conditoris assistere, præsentem Dei vultum cernere, in circumscriptum lumen videre, nullo mortis metu affici, incorruptionis perpetua munere letari. Hom. 17. in Eu.

Ex Ven. Bedâ.

Verùm super hæc omnia est, consociari Angelorum, & Archangelorum cœtibus. Thronis etiam, & Dominationibus, Principatibus, & Potestatibus, omniumque cœlestium supernarum Virtutum contubernio perfrui: & intueri agmina Sanctorum splendidius syderibus micantia. Patriarcharum fide fulgentia. Prophetarum spe latantia. Apostolorum, in duodecim tribubus Israël, Orbem judicantia. Martyrum, purpureis Victoriæ Coronis lucentia. Virginum quoque Choros, candentia ferta gestantes, conspicere. Ser. 18. de SS.

Ex S. Cypriano E. M.

Considerandum est, Fratres dilectissimi, & identidem cogitandum, renunciasse nos mundo: tanquam hospites, & peregrinos hic interim degere. Amplectamur diem, qui assignat singulos domicilio suo, qui nos hinc ereptos, & laqueis secularibus exsolutos, paradiso restituit, & regno cœlesti: Quis non

non peregre constitutus properaret in Patriam regredi? Quis non ad suos navigare festinans, ventum prosperum cupidius optaret, ut velociter, charos liceret amplecti? Patriam nostram paradysum computamus: parentes Patriarchas habere jam cepimus: quid non properamus, & currimus, ut patriam nostram videre, ut parentes salutare possimus? Magnus illic nos chororum numerus expectat: parentum, fratrum, filiorum, frequens nos, & copiosa turba desiderat: jam de sua immortalitate secura, & adhuc de nostra salute sollicita. Ad horum conspectum, & complexum venire, quanta & illis, & nobis in commune letitia est? Qualis illic caelestium regnorum voluptas, sine timore moriendi, & cum aternitate vivendi? quam summa, & perpetua felicitas? Illic Apostolorum gloriosus chorus: illic Prophetarum exultantium numerus: illic Martyrum innumerabilis populus, ob certaminis, & passionis victoriam coronatus. Triumphantes illic Virgines, que concupiscentiam carnis, & corporis, continentiae robore subegerunt. Remunerati misericordes, qui alimentis, & largitionibus pauperum, justitiae opera fecerunt: qui Dominica praecepta servantes, ad caelestes thesauros terrena patrimonia transtulerunt. Ad hos Fratres dilectissimi, avidam cupiditate properemus, ut cum his cito esse, ut cito ad Christum venire contingat, optemus. Ex Libro de Mortalitate.

Amor & Desiderium Caeli.

O Caelum, toto me, desidero te.
 O Caelum Caeli, toto me anhelos ad te.
 O Caelum caelans: toto me festino ad te.

O Do